



**De Iustitia Et Iure ceterisq[ue] Virtutibus Cardinalibus**

**Lessius, Leonardus**

**Antverpiæ, 1632**

14 Quale peccatum sit pollutio voluntaria, & quibus euentis poßit excusari.

---

[urn:nbn:de:hbz:466:1-72459](#)

tur habere cum feminis) huiusmodi scelus spectante populo flamme vindices expiabant.

Eidem flagitio Iure communi constituta est ipso facto confusatio bonorum, iuxta Glossam in cap. Cūm secundūm 19. v. Natura contrarias de hæret. in 6. quam communiter à DD. approbari ait Bermon. de concubitu, fol. 123. num. 27. Denique est sufficiens causa diuortij perpetui, sicut adulterium, cap. 7. Omnes cauafiones, 32. q. 7. estque communis sententia DD. idque siue agendo itue patiendo commissum sit, quia violatur fides matrimonij, per quam coniux coniugi totum corpus suum tenet castum seruare; ita taltem ut illud alteri aliquo genere concubitus non milceat, nec carnem suam in alterum diuidat.

Ex quibus patet, etiam secundam speciem, quæ duas infra se comprehendit, concubitum cum bruto, & cum damone, esse peccatum mortiferum; quia hæc sunt grauiora, quam sodomia; cūm diueritas speciei magis repugnat illi congressui. Complectitur ista Apostolus generali nomine *immanditiae vel luxuria*. Concubitus cum bruto prohibetur expressè Leuit. 18. & 20. sub pena mortis, & iubet quoque brutum interfici: quod etiamnum vñ receptum apud Christianos.

De quinta specie est etiam communis DD. sententia; quia iste modus repugnat conceputi, & naturæ generationis: vnde non est minus peccatum, quam pollutio. Confirmatur ex Scriptura Gen. 38. vbi Dominus ob simile peccatum puniuit morte Onam filium Iuda: quamvis ibi aliud quoque crimen accesserit, nimirum intuïda in fratrem, ne illi nasceretur semen.

De mollitie dicimus dubitatione sequenti.

92 Ex his facile potest intelligi quis sit ordo inter hæc peccata: nam grauissimum est *congressus cum damone*: tum quia cūm sit spiritus, longissimè absit à debita proportione, quæ requiritur inter congedientes; tum propter commercium & societatem cum ipso, quæ est contra virtutem religionis. Deinde bestiæ alitas. Tertiò, *Sodomia* cum codem sexu. Quartò, *Cum dñeris o sexu*. Quintò, Quando modus est contra naturam. Sextò, *Pollutio simplex*.

93 Porro omnes hæc species sunt peiores quam reliqua supradictæ, si considerentur qua parte sunt contra castitatem: non autem si spectentur absolute, ut in uoluunt malitiam alterius speciei, contra iustitiam, pietatem vel Religionem: simplex enim pollutio, vel inordinatus concubitus cum vxore, non est absolute maius peccatum, quam concubitus cum matre, vel cum moniali: est tamen maius in ratione luxuria; quia per se magis est contra naturam generationis: cūm ista non sint contra naturam illius actus, sed solum contra conuenientem ordinem requisitum ad prolis educationem, & contra alias virtutes. Hoc modo intellige DD. qui omnia peccata contra naturam videntur ceteris facere maiora. Alia tamen ratione in ipsis videri possit esse maior luxuria; nimirum ex parte affectus: qui enim voluptatis causâ parvus est adulterium & incestum admittere, non abstinebit etiam à sui pollutione, pronitas quoque & facilitas ad pollutionem nonnihil minuit in ea luxuriæ culpam.

## DUBITATIO XIV.

Quale peccatum sit pollutio voluntaria, & quibus eventis possit excusari.

94 Respondeo, Eam, si plenè voluntaria sit, esse pollutio mortiferum: si autem non sit plenè voluntaria, solum veniale, vel nullum. Est peccatum mortiferum.

Probatur prior pars ex Scripturis; 1. ad Cor. 6. Nolite errare: Neque fornicarij, neque idolis seruientes, neque adulteri, neque molles, neque masculorum concubitores, &c. regnum Dei possidebunt.

Vbi DD. passim per molles intelligent huic peccato deditos; quod eriam inde vocant *mollitem*.

Verum Græci per molles (*μαλακούς*) intelligunt pathicos, seu turpia patientes, quibus respondent masculorum concubitores (*ἀρετονούται*). Neque vñquam alibi in Scriptura hoc nomen pro criminis libidinis ponitur, nihilominus satis probabile est etiam istud peccatum significari: nam est signum peculiare mollitiae animi. Deinde probari potest ex iis locis, vbi *immanditiae* damnatur, ut ad Gal. 5. & ad Ephes. 5. nam hoc nomine omnes anonymæ libidines significantur, vt D. Hieronymus notat: & alioquin est quoque specialis quædam impuritas in hoc actu.

Denique ratione probatur, quia iste actus est contra primarium finem, ob quem à natura est institutus; qui est generatio, vel concepicio hominis. vnde caret principali ordine, & habitudine quam natura in eo requirit: ac proinde gravem inordinationem continet. Confirmatur, quia si fornicatio est peccatum mortiferum, qua tam solum caret debito ordine ad prolis educationem; multò magis hic actus, qui repugnat conceptioni.

Hinc patet, mulierem non admittere hoc peccatum, aut aliud præsertim mortiferum, quando in actu coniugal, suscepto virili spermate, ipsa non seminavit, si immediatè post ad hoc se conciter: quia id nullo modo est contra naturam generationis, sed illi maximè consentaneum. Est enim complementum actus coniugal, & multum iuuat ad perfectionem prolis, vt Medicus tradunt. Confirmatur, Quia alioquin grauissimo periculo peccati mortalitatem feminæ per actum coniugalem exponerentur. Sæpe enim fit ut vel ratione tardioris naturæ, vel qua voluptatem parvam sentiunt, in actu illo non feminæ, & tamen inde maneat plurimum incitatæ, ita Sancius lib. 9. de matr. disp. 17. & aliqui alij Doctores.

Potest autem hic actus duplicitè esse voluntarius. Primo, Per se. Secundo, In causa. Per se, Dupliciter ut cùm directè est voluntis & procuratus. Dico, & est voluntarius. quia ut actus dicatur voluntarius, non sufficit esse voluntum, sed etiam requiri ut ab illa voluntate procedat. Hoc modo est peccatum mortiferum, etiæ non voluptatis, sed solius sanitatis, vel temptationis mitiganda causâ procuratur; vt communiter DD. tradunt. Confirmatur, Si causa quod enim temptationis causâ non licet, patet; sanitatis quia sic non vincitur tentatio, sed ei ceditur & succumbitur; tum quia si id licitum est, cur sancti tantam incediam & alias asperitates carnis domandæ causa subierunt: cur hoc certamen durissimum & præcipuum hominis Christiani à sanctis Patribus est habitum? tum denique, quia

TIT. 2. h. quis

Si quis alius praesidiis uti nolit, hoc opus concessum est quidem in remedium concupiscentiae; sed in legitimo coniugio, non extra. non enim naturalis institutio peruerterenda est ob finem extrinsecum & accidentarium. Vnde si quis hoc opere in hunc finem vti velit, debet capessere matrimonium. Confirmatur, quia finis primatus illius operis est proles: ac proinde postulat eum statum in quo proles suscipi & recte educari possit, qui est matrimonium.

Ob eamdem causam non est etiam licitus sanitatis ergo, nisi in legitimo coniugio.

*Licitum  
emittere  
sanguinem,  
non ita se-  
men.*

*96  
Obiectio.*

*Resp.*

Nec obstat, quod fas sit detrahere sanguinem ob hunc finem, & etiam secare membrum; quia haec solùm sunt instituta propter bonum individui: partes enim sunt propter bonum totius: vnde de illis disponere possumus prout expedit salutem individui. genitura autem, solùm propter naturæ propagationem: vnde illa vti non possumus, nisi eo modo vt possit sequi generatio.

Dices, Ipsa vasa spermatica sunt instituta ad propagationem, tamen propter salutem corporis possunt excindi, vel intercipi: cur non etiam emitte quod illis coniunctur, si corporis saluti officiare incipiatur.

Respondeo, Est dispar ratio: quia illa vasa etiam sunt pars corporis: vnde de illis, sicut de aliis partibus statuere possumus: at semen non est pars corporis, nec propter illius bonum est institutum, sed sibi causa, tamquam eius rudimentum. Deinde eti forte semen in illo casu detrahi posset medicamento cathartico, (si tamen eo modo, quo bilis, pituita, & melancholia absque libidinis sensu subducuntur potest, quod ego non puto) tamen non potest pelli coactu & impetu; quem natura fecit illi proprium: quia hic solius sibi causa institutus est: vnde nec à Medicis prescribi pharmacum eo fine vt naturam ad illum impetum concitet.

*97 In causa voluntarius est, quando praeuidetur ex 2. In causa aliqua causa secuturus; & illam idcirco tenemur vitare, nec tamen vitamus.*

*Ut pecca-  
tum sit vo-  
litariu[m] in  
causa. Primi-  
tiva requi-  
ri.*

Vbi aduertere, tria requiri ut aliquod peccatum voluntarium in causa. Primo, Ut aliquo modo praeiustum sit illud secuturum: quod enim nullo modo est cognitum, non potest censeri voluntarium, seu liberum; ac proinde nec potest imputari: atqui hic non esse praeiustum, est non esse cognitum: agitur enim de effectu secuturo ex aliqua causa, qui non cognoscitur nisi praeuidendo. Itaque, etiam si causa sit culpabilis, si tamen nullo modo suspicabar in inde talen effectum secuturum, non imputabitur tibi ad culpam, quia non erit voluntarius, eti enim erat in tua potestate vitare causam & non vitare, & consequenter peccates in ea quantum ipsa secundum se peccatum est; non tamen erat in tua potestate illam vitare ut est causa talis effectus; quia sic non erat tibi cognita.

*98 2. Ut cau-  
sa tene-  
ris vitare.*

Secundo, ut causam, propter illum effectum, tenearis vitare. Si enim causam vitare non teneris, iam effectus ille non potest tibi imputari ad culpam; vnde non censetur tibi voluntarius, sed solùm permisus maioris boni causa.

*Quando  
non tene-  
ris vitare.*

Non tenor causam vitare, quando ipsa secundum se est licita, præsertim si sit consentanea officio vel pietati, vel habeat notabilem commoditatem, vel finem honestum. Si DD. passim tradunt, confessarium non teneri vitare suam fun-

ctionem, nec studiosum sua studia, etiam si inde talis quid patiantur: de quo vide Nauarum cap. 16. num. 7. vbi idem docet de veredario, cui id ex equitatione obuenire solebat, & alibi de Medicis, chirurgis, & aliis, qui infirmos tractant. Et merito; quia haec omnia non sunt ex natura rei dispositiones ad illum effectum, sicut nec ad turpem vllum motum; sed solùm ex miseria naturæ, per peccatum originale contracta, quæ non est culpa, sed pena; cui interdum accidit peculiare corporis temperamentum, vel prava consuetudo olim contracta, eodem iuvans. Itaque hic effectus planè per accidens se habet ad illam causam, sicut defectus proueniens ex conditione materiæ, ad operationem artificis in ea materia operantis, v.g. vt rubigo obueniens cultro ad intentionem & actionem cultrarij; vt recte dixit Caeteranus Opusc. 22. Vnde sicut artifex non debet relinquere opus ob defectum, quem contrahet ex necessitate materiæ, ita nec homo tenetur honestas actiones vitare ob turpem motum, vel pollutionem ex conditione naturæ corruptæ, illarum occasione obuenientem.

Hoc tamen intelligendum, si absit morale periculum confusus: vt cum quis se satis firmum credit vt huiusmodi illecebrâ non sit voluntas rationalis permouenda. Si subsit morale periculum, ita vt non confidat se fore satis firmum, tenetur causam vitare; non enim ob vllam rem potest se formaliter peccandi exponere, iuxta illud Ecclesiastici 3. *Qui amat periculum, peribit in illo.*

Petes, Quid in ob alium finem tenet vitare causam, & non item; censetur tunc pollatio inde secuta voluntaria & mortifera? Exemplum sit in eis copioso bulborum, vel aliorum ciborum calidorum & flatulentorum, & in largiore potu vini affectu gulæ in studio rerum medicarum, vel anatomicorum, ex affectu curiosæ cognitionis.

Videri posst hoc casu non esse voluntaria, etiam si puretur secutura. Primo, Quia illæ causæ vt sic sunt, non sunt naturæ suæ dispositiones propinquæ aut remotæ ad illam; sed solùm per accidens ex naturæ imbecillitate, vel peculiari temperamento: non enim sunt eo modo, vel eo fine, quo ad venerem fieri solent; vnde motus, qui inde sequuntur, potius veluti necessitate materiæ, quam ex illis causis sequuntur: ergo non eo ipso, quo quis illas vult, censetur velle istum effectum.

Secundo, Si illæ actiones per se essent licita, non essent vitandæ ob effectum illum euenterum, eo quod per accidens sequi censetur: atqui non minus per accidens sequitur, dum illæ ponuntur ob causam alterius generis illicitæ; cum illarum deformitas non repugnet castitati, & plausus per accidens se ad hunc effectum habeat: ergo etiam si sint vitandæ ob propriam malitiam, non tamen ob illum effectum.

Respondeo breuiter, In hoc euenter pollutio nem censeri aliquo modo voluntariam, nimurum in sua causa, eti remora, ac proinde in illa esse peccatum. quod non tantum verum esse puto quando causa ex alio capite est illicita; sed etiam quando est honesta, & fine vlo incommode omitti vel differri potest. Ratio est, quia eti illæ effectus non sit ita per se malus vt adulterium, homicidium, furtum; tamen habet indecentiam, & mentem ad malum allicit; ergo quantum commode possu-

*99  
Si causa  
alii unde sit  
allicita.*

*100  
Effectus  
censetur a  
licquo modo  
volunta-  
rio.*

possimus, vitare tenemur: atque in praesenti casu possimus sine notabili incommmodo causam vitare: ergo, &c. quod confirmatur communis sensus & vnu omnium castitatem amantium, qui semper ab eo multum abhorrent.

*Non videri  
mortiferū.*

Crediderim tamen ex hac parte non esse peccatum mortiferum in causa, nisi ipsa ex intentione eod dirigatur, vel nisi per se propinquaque dispositio, ut contactus turpis: quod aperte docet Nauarrus cap. 16. n. 8. vbi dicit, non esse peccatum mortale, comedere nimis, aut edulix calida, vnde pollutio enierit; dummodo non comedat eo fine ut enierit, sed vt sua gula satisfaciat. Idem ante illum iijdem panè verbis docuit D. Antoninus p. 2. tit. 6. cap. 5. Angelus v. Pollutio, num. 2. Silvester, eodem verbo. Idem tener Toletus lib. 5. c. 13. Lopez p. 1. cap. 74. & alij multi. Et quamvis aliqui ex his DD. requirant ut dubium sit an ille effectus sequetur an non, vt Angelus, Silvester, Toletus; alij tamen id non requirunt: vnde Lopez supponit illum solitum ex tali causa sequi. Idem indicat Nauarrus, & meritò: si enim in causa est peccatum mortale, dum valde probabile est talem effectum securutum; etiam erit dum est dubium; ut patet in periculo homicidij, vel adulterij: quia sicut non licet se exponere periculo manifesto, ita nec dubio, in quo non potest hic & nunc prudenter confidere se vitaturum incommode.

101 Ratio cur non videatur mortiferum, est, quia illa causa non est propinquaque dispositio, sed remota ex natura rei; & effectus ex illa per accidens & præter intentionem prouenit, nimis ratione dispositoris corporis, & veluti necessitate materia: vnde valde imperfectè censemur volitus in causa. Deinde, quia effectum illum hoc modo prouenire veluti necessitate materia abique illa intentione vel dispositione ad illam directa, non censemur graue incommode; immo per se non est obiectum malum, eti ad malum incitet, vt statim dicetur: ergo nec permittere, vel non impedire ne sic enierit, non censemur grauis culpa. Confirmatur. Quia si id per se esset malum, non liceret, etiam dum causa est honesta, permittere; sicut non licet in se permittere homicidium, vel adulterium; & si timeas tale quid à te committendum in somnis, teneris omni ratione evitare: secus tamen in hoc effectu. Ratio huius discriminis est, quia hic effectus prouenit necessitate materia, ut dictum est: nam in natura est causa ad illum sufficiens absque illa cooperatione voluntatis: & aliam etiam habet sua commoda, ob que natura sic est instituta. Homicidium vero, adulterium, & similia, non habent similem causam in natura, nec similia commoda: quamvis etiam haec ob grande aliquod bonum permitti aliquando possint, ut infra dicetur.

102 3. *Vt non  
vitetur.  
Causa pos-  
tius.*

Priuatiua. Tertium, quod requiritur ad voluntarium in causa, est vt causa non vitetur. Haec causa potest esse vel positiva, vel priuativa. *Positiva*, ut cum quis liberè vacat alicui actioni, v. g. cogitationi vel operi, ex quo sequitur talis natura concitatatio,

*Priuatiua*, cum præter voluntatem incidit velemens imaginatio naturam incitans, quam neque fouet, neque conatur diuerttere; sed negatiuè habet. In priore modo tenetur abstinere ab illa actione: & si in illa pergit, effectus securus censemur in illa volitus & voluntarius: volitus enim, qua vult continuare istam actionem cum tali pe-

riculo, virtute est etiam volitus effectus; & eo ipso, quo illa actio ab ista volitione procedit, censemur effectus, ut in causa existens, voluntariè fieri.

Vbi ad clariorem horum omnium intelligentiam aduertere, Si actio illa, seu causa sit per se propinquaque dispositio ad pollutionem (qualis est contactus & affectus partium in honestarum, &c.) tenemur illam ratione pollutionis sub peccato mortali vitare, nisi aliqua necessitas ad illam actionem nos cogat. Ratio est, quia eiusdem moris est, per se loquendo, consentire in effectum & in causam eius propinquam, quando tamen subest alia iusta causa illius actionis, tunc effectus ille non censemur volitus, sed solum permisus, ut pote præter intentionem obueniens. Confirmatur in proposito: nam contactus ille non mouet nisi vt apprehensus à phantasia, sed apprehensus à phantasia, v. g. vt medium necessarium ad curandum, non habet vim concitandi libidinem. quod si cum ea apprehensione simul subrepatur alia ut rei delectabilis, eaque moueat; id per accidens est, ex miseria naturae, & præter intentionem agentis; non ex natura obiecti sub ratione medijs ad sanitatem considerati, vnde ob talem effectum non tenemur nos eo commodo priuare. Dicitur autem per se dispositio seu causa propinquaque; quia quando secundum se, non vt medium ad alium finem apprehenditur, talis est.

Si vero causa illa sit dispositio remota, non tene- Remota.

mur illam ratione huius effectus sub peccato mortali vitare; etiam fortè ob aliam causam vitare teneamur. Tales sunt omnes actiones, quæ per se ad luxuriam non pertinent, vt nimium, aut nimis calida comedere, bibere; nimium dormire, equitare. Idem dicendum quando actio illa per se pertinet quidem ad luxuriam; tamen non est nisi si peccatum veniale, vel ratione tenuitatis materiae, vel ratione semiplena attentionis; vt rectè Caicr. 2. 2. q. 64. art. 8. vbi dicit: *Actus materialiter mortalis, quando non est voluntarius nisi indirecte & in causa, iudicadus est secundum illam causam: & ideo effusionem seminis humani extra matrimonij actum posse esse solum veniale definitum est, quando actus in causa solum fuit peccatum veniale; ut patet in pollutione nocturna ex delictatione veniali per diem habita consequente.* Emanuel Sà v. Luxuria num. 9. *Si pollutionis involuntaria causa, qua vitari debuit, est peccatum veniale solum, ut ad spectus curiosus feminæ, aut leatio turpis; & ipsa solum venialis est, etiam si quis preiudicari inde fecerit, sed contra voluntatem.* Idem expresse docet Henriquez lib. 1. de matrim. cap. 16. num. 6. & fusè Sancius lib. 9. de matrim. disp. 45. num. 19. & DD. qui culpam pollutionis non intentæ, ex causa metiendam tradunt. vt Sotus in 4. d. 12. q. 1. art. 7. Ledesma in 4. p. 1: q. 2. 1. a. 1. D. Thomas 3. p. q. 80. a. 7. Nauarrus supra, & alij: quod intellige, si causa ad genus luxuriarum pertinet. Si enim non pertinet ad genus luxuriarum, fieri potest, vt causa (ratione alterius deformitatis) sit peccatum mortale; & pollutio sit solum venialis: quod illam causam ratione pollutionis non teneamur nisi sub veniali vitare, cum sit causa remota, & per accidens, vt supra dictum est.

In altero modo cum causa est priuatiua, nempe negligientia amolendi causam positivam inuoluntariam, v. g. turpem cogitationem, tenetur homo illam apprehensionem excutere, mentemque alio transference quantum potest: quod si oinittat, illa

TIT 3 omisso

omissio erit causa voluntaria effectus. sicut negligencia nauarchi est causa submeritionis nauis. quæ quidem in genere physico est causa per accidens; tamen in moralibus censetur quasi per se, quia subest intentio interpretatio.

Hic tamen aduerte, Si opus illud, vnde præter intentionem oritur illa imaginatio turpis, sit licitum, non teneris illud ad eam vitandam prætermittere, modo abſit periculum consensu; vt ex supradictis constat. Si autem non sit licitum, teneamus illud omittere etiam propter illum effectum per accidens prouententem, non tamen sub mortali (nisi opus sit mortale, & secundum se ad luxuriam perueniens) sed sub veniali; vt cum opus per se ad luxuriam non pertinet; vel, si pertinet, solum est veniale, iuxta supradicta. Non enim magis teneris vitare talem imaginationem, quam pollutionem; cum illa solum sit medium & via, hæc vero finis & terminus. Vnde sicut istas actiones non tenetur sub peccato mortali vitare ob periculum pollutionis præter intentionem secutur; ita nec propter imaginationem & voluptatem inde præter intentionem consurgentem; deposito tamen in omnibus periculo consensu.

*Si opere non intermissio posses depellere.*

Si tamen alia ratione, opere priore non interfesso, facile potes huiusmodi imaginationem & voluptatem partis sensitua depellere, teneris, & quidem sub peccato mortali. Vnde non potes tunc habere te negatiæ, id est, medio modo absque consensu & positiva displicentia. Ratio est, quia non depellendo cum commodè potes, interpretari in eam consentis, quare cum obiectum per se sit graue, erit peccatum mortiferum. Neque hic est consensu dumtaxat in causa, sicut cum causa non amouetur; sed est consensu immediatus in ipsam delectationem: quia etiam manente causa, facilè potes eam tollere, vel impediare.

*An negatiæ se habere repositum.*

Idem dicendum de pollutione. Vtrum autem quando tolli non potest nisi amotione causæ, & causam non tenemur tollere sub peccato mortali, eo quod sit causa remota, aut per accidens, possumus nos negatiæ circa illam delectationem habere, ita vt per hoc non peccetur nouo peccato, aut saltem non mortaliter, dubitari potest.

*103 Altera pars assertio-*

*non plenæ volunta-*

*ria.*

Resp. breuiter, Non fore peccatum mortale, si abſit periculum consensu. Ratio est, quia tunc negatiæ se habere, non est vlo modo consentire nisi in causa, quem consensum ponimus ex dictis non esse mortiferum. Confirmatur, Quia non potest depelli nisi amotione causæ, vt supponitur; ergo non teneor conari illam aliter depellere, non enim teneor conari quod mihi moraliter impossibile; ergo neque teneor positivam illius habere displicentiam. Hæc enim erit inefficax ad depellendum, & ex alia parte minimè est necessaria ad impediendum consensu. In prætamen, quia magna est hominis fragilitas, & facile durante diu delectatione trahitur in consensu, vitanda est hac subtilitas, & excitanda quam primum de-testatio illius voluptatis.

Altera pars assertio initio positæ, nimirum Pollutionem non esse peccatum mortale, quando non est plenæ voluntaria, est etiam certa & communis DD. id enim commune est omnibus peccatis. Poteſt autem id fieri dupliciter.

Primò, Si nullo modo aduertas, ex actione in qua verfaris, (sive ea sit externa, sive cogitatio) periculum illius impendere; vel illam actionem

ratione periculi esse illicitam. & tunc si sequatur, nullum omnino erit peccatum; quia quod non est cognitum, non est voluntarium, vt antè dictum est. Hoc maximè locum habet in ea, quæ fit in somnis ex cibo, potu, vel cogitationibus præuis in vigilia. Interdum etiam in ea, quæ accidit vigilanti; præfertim antequam ille habeat rerum suarum experientiam.

Secundò, Si aliquo modo aduertas periculum, & actionem idcirco esse illicitam; tamen confusè & imperfectè, animo ad alia intento: & tunc est quidem peccatum, sed veniale: imperfecta enim consideratio facit vt res vel obligatio non appareat graui.

Duobus enim modis fit vt res non offerat se *Dupliciter* tamquam graui. Primò, ratione ignorancie, quia *res non apprehenditur ut graui.* etiam mens plenè at-tendant, non tamen aduertat. Secundò, Ratione imperfæcta considerationis, seu attentionis animi: dum enim imperfæctè & obiter, & quasi cinuis aliiquid videtur, eius magnitudo non percipitur.

Potest hec imperfectio esse vel in consideratione periculi; vt cum parum apprehenditur periculum eventus: vel in apprehensione illiciti in actione; vt cum parum consideratur, actionem, ex qua periculum, esse ob hanc causam illicitum; quod interdum accedit in expertis. Vt roris modo fiat, effectus non erit nisi venialis; quia effectus non habet ullam culpam nisi in causa, cum in illa solum sit voluntarius; at causa hæc solum est peccatum veniale: ergo, &c. Potest tamen effectus interdum imputari vt veniale; quamvis causa sit mortifera: quamvis tunc hæc culpa in causa, proueniat non ex ordine causæ ad illum effectum, sed aliunde, nimis ratione materia vel finis, aut alterius circumstantie; vt constat ex iis, quæ de admisis in ebrietate dicta sunt lupa dubitat. 3. num. 26.

Tertiò, Si solum sit voluntarium in causa remota; quo casu est imperfectè voluntarium, & potius permisum quam volitum. quia tamen tenemur (etiam imperfectæ obligatione) causam vitare, propter periculum talis effectus, id est si non vitetur causa, censetur effectus aliquo modo voluntarius in causa, vt supra explicimus. Notandum tamen, cum effectus ille non sit secundum se voluntarius (cum enim sit, non pendet vlo modo à voluntate libera) solum censetur voluntarius in causa; quatenus continetur in causa, que à libera voluntate dependet. Vnde sequitur Primò, Est valde imperfectè voluntarium: quia in causa illa valde imperfectè continetur, ac proinde consensus in causam valde imperfectè ad illum effectum extenditur; & ratione huius imperfecti consensus dicitur peccatum veniale, cum tamen ipsa causa ex ordine ad talem effectum potius sit dicta peccatum veniale.

Sequitur Secundò, Totam culpam esse in consensu in causam, ita vt effectus superueniens nihil culpe addat. vbi enim non est noua libertas, ibi non potest esse noua culpa: atqui tota libertas hic est in consensu in causam.

Sequitur Tertiò, illam pollutionem non possedi propriè peccatum, quia non pendet à voluntate libera vt actio, sed vt effectus: vnde non constituit unum opus morale cum interna voluntate à qua proficiuntur, sicut consensus internus & opus externum; sed solum est effectus quidam per acci-

accidens operis moralis; & dicitur peccatum, quia est effectus peccati, & obiectum aliquo modo voluntum. unde propriè dicitur peccatum in causa tantum, in le verò peccati effectus, vt docet D. Thomas q. i. s. 4. art. 5.

<sup>104</sup> Petes, Vtrum licitum sit aliquando desiderare Anticicum vt tibi vel alteri eueniat pollutio, vel quod euerit, gaudere.

Quidam negant. Ita Sotus in 4. d. 2. quæst. 1. art. 7. & Lopez suprà cap. 74. putat hanc sententiam esse probabiliorē, citans pro ea Cordubam, Adrianum & Medinam, sed Adrianum aliter tenere constabat infrā.

Probatur Primo, Quid licet desiderare, fas etiam est procurare vt fiat, saltem per alios: at qui nullo modo possumus procurare vt fiat pollutio: ergo non licet eam desiderare. Secundo, Id quod per se est illicitum, non potest desiderari propter bonum finem, vt patet in adulterio, mendacio, homicidio: sed pollutio per se est illicita: ergo. Tertio, Quando id quod per se malum est, ita fit per somnum, furiam, vel ignorantiam, vt excusemur à culpa, non est licitum in illud consenire, aut de eo postea gaudere, vt p̄ssim Doctores tradunt, & patet in aliis peccatis: ergo.

Contra tamen sententia videtur verior, pro qua

Dico Primo, Causa voluntatis nullo modo licitum est illam desiderare, aut de ea iam facta gaudere, etiam si sine culpa acciderit: consensu enim in illam delectationem, secundum omnes Doctores, est peccatum mortale.

<sup>Non est fas ad eam iusnare.</sup> Dico Secundo, Nullo etiam modo fas est illam procurare, aut aliquo modo ad illam iuicare, aut aliquid eo fine vt eueniat, facere. patet ex dictis. Vnde medicus non potest aliquid eo fine praescriri, aut infirmo iuadere: nec vila ratione potest quis eam ita sibi desiderare, vt ex illius desiderij disponatur aut inciteretur ad illam. vnde debet hoc desiderium esse omnino inefficax: sicut earum rerum, quae nec ipsæ sunt in nostra potestate, nec vila ad eas dispositio.

<sup>105</sup> Dico Tertio, Probabile est, licitum esse illam desiderare simplici affectu, causâ alicuius boni effectus cum ea coniuncti; verbi gratia, causâ sanitatis, sedandæ tentationis, obtinendæ tranquillitatis animi, &c. Ita docet Nauarrus cap. 16. num. 7. Toletus lib. 5. cap. 13. Angelus v. Pollutio, num. 2. D. Antoninus par. 2. tit. 6. cap. 5. Adrianus in quarto, tractatu de Eucharisti, quæst. de consensu in opus prauum in furia vel somno committendum, sub finem, & alij. Ratio est, quia id quod hic desideratur, non est peccatum, sed per le indiscretens: desideratur enim vt fiat via naturali per causas à natura constitutas, sine omni libera cooperatione: & finis, ob quem desideratur, est bonus & verè optabilis: ergo in tali desiderio nullum est peccatum. Ego tamen huiusmodi desideria admitti, cuiusnam non sum auctor: tum quia eti per se mala non sint, tamen imperfectum indicavit castitatis affectum: tum quia sanctiora remedia, & à sanctis viris usurpata non defunt. idem dixerim de gaudio, de quo in 4. asserto. cauenda quoque in omnibus huiusmodi, vt iam sè p̄ monimus, omnis cooperatio, & periculum consensu.

Dico Quartò, Simili modo licitum gaudere

de illa iam facta: docent iudicem Doctores, & Paulanus in 4. dist. 9. q. 3. art. 1. (qui tamen non admittit de desiderio) & D. Thomas ibidem a. 4. ad quintum. Probarur, quia quod licitum est desiderare vt fiat, licitum etiam est de eo gaudere quod factum sit: & contrà, si fas gaudere de facto, etiam licitum desiderare vt fiat, hec enim sunt eiudem moris; nam gaudium necessariò resultat ex bono desiderato obtento, & supponit, vel implicitè desiderium includit. Confirmatur, quia obiectum materiale huius gaudij non est malum, & formale est bonum: ergo gaudium de eo conceptum non est malum. Neque solum licitum est gaudere de ipso effectu bono, vt quidam volunt; v. g. quod molestia illa seu tentatio celset; (quamvis hic sit ratio formalis obiectua, seu totum motuum desiderij & gaudij, consideratus cum conditione futuri vel præsentis) sed etiam de ipsamer causa propter effectum: sicut gaudemus non solum de tranquillitate publica, sed etiam de morte illius qui eam turbabat, & de facto illius qui eam intulit, si innocenter fecit: eti tota ratio gaudendi si bonum publicum. Quod vt melius intelligatur, notandum est, Ob. obiectum gaudij (sicut & desiderij, & aliarum affectu) voluntatis esse quid complexum; includit enim coniunctionem boni & remotionem mali. Gaudemus enim quod illa res sit, vel non sit, talis, aut non talis; quod mihi vel alteri insit, vel quod absit; quod aliquid efficiat, vel non efficiat, &c. Itaque cum quis dicatur gaudere de opere malo quatenus illud est causa boni, duplicitate potest intelligi. Primo, quod ob bonum effectum gaudet illud opus esse, vel fuisse, vel à le factum esse: & hoc omnino est illicitum, si illud opus erat intrinsecè peccatum; quia hoc est approbare peccatum, & illius habere complacentiam propter bonum finem. Si nullo modo licitum est gaudere de peccato Adami, quantumvis magnum inde bonum sit secutum. Sicut enim effectus ille, vel respectus ad illum effectum non potest efficeri, vt illud opus, quod est intrinsecè peccatum, sit licitum aut bonum; ita neque vt sit dignum gaudio aut complacentia. possumus tamen ob huiusmodi effectum gaudere de permissione peccati; haec enim bona sit, & Deus illam vult ob bonos effectus inde resultantes. Item si opus non sit peccatum, vel absit peccato sit factum; possumus ob iustas causas de eo sic facto gaudere. Si autem cum peccato per accidens tantum factum sit, possumus de eo gaudere secundum se, & præcisò peccato, quia secundum se peccatum non est. Secundo potest intelligi, quod gaudet, illud opus prauum, talem effectum bonum habuisse vel habere: & sic est licitum gaudere de opere malo. Non enim gaudemus illud opus malum factum esse; sed supposito quod factum sit, gaudemus quod boni effectus causam dederit. verè enim gaudio dignum est, quod diuina bonitate etiam ex peccatis operibus maxima bona proueniunt: sed hoc est potius gaudere de effectu quam de opere, eti etiam gaudemus de cauacione boni, quæ tali opere competit.

Ad primam rationem sententiae contraria: Non <sup>Ad ratiōē</sup> semper qui potest aliquid desiderare vt fiat, potest nem etiam procurare vt fiat: vt patet in passione Christi, & in morte multorum. quando enim nemo est qui ius habeat faciendi, procurari non potest. cùm

Tit. 4. tamen

Potest res  
per se illici-  
ta desidera-  
ri ut fiat  
inculpari.

tamen est aliquis, qui tale ius habet, fas est illum  
inducere ut faciat.

Ad secundam: Primo, Concessa maiore potest  
negari minor: pollutionem enim sic fieri non est  
quid per se malum, sed indifferens, ut antea dictum  
est. Secundo, potest negari maior, et si enim illi-  
quid per se sit illicitum si cum iudicio rationis fiat, ac  
proinde non possit desiderari ob bonum finem ut  
ita fiat; tamen si fiat absque iudicio seu culpa, po-  
terit aliquando desiderari causam alicuius magni  
boni, quod inde proueniat, v. g. vt tyrannus per-  
eat manu furiosi; ut matrimonium inter duos  
Principes inculpatum contrahatur, quamvis inua-  
lidè, & proles fuscipatur, si inde pax regni secu-  
tura paretur. Docet hoc Adrianus supra: *Nullo,*  
*inquit, modo licet consentire consensu, qui sit causa*  
*actus, in aliquid, quod de se esset mortale, si in vigilia*  
*fieri; ut in homicidium pro tempore furie, vel somni*  
*perpetrandum, aut in stupracionem virginis, vel pol-*  
*lutionem in somno committendam: sed consensu inde*  
*complacentie licet in tale praeteritum vel futurum*  
*consentire propter bonum inde securum vel securum.* Idem sequitur ex sententia eorum, qui id ad-  
mittunt in pollutione; quia eadem est ratio: tota  
enim ratio cur haec ob bonum finem possit appeti  
sic fieri, est, quia eam sic fieri non est peccatum, &  
subest aliquid commodum, quod illud materiale  
incommode compenserat: atque idem locum ha-  
bet in exemplis praedictis. Idem expressè docet  
noster Vasquez 1.2. disp. 115. cap. 2.

Ad tertiam, Quando id, quod per se malum  
est, ita fit, ut per somnum, furiam, vel ignoran-  
tiā excusat, non est licitum antea vel post libe-  
rē in illud consentire. Respondeo, Hoc esse intel-  
ligendum de consensu, quo istud placeat per se &  
absolutè, vt docet Adrianus supra: sic enim con-  
sentires in illud prout est obiectum malum, &  
consequenter consensus traheret inde malitiam  
formalem. Hoc modo fas non est gaudere de pol-  
lutione vel homicidio secundum se considerato;  
sed solum ob aliquid bonum, quo illud incom-  
modum repudatur.

#### D V B I T A T I O X V .

Vtrum delectatio, quæ ex imaginatione  
operis venerei percipitur, sit peccatum  
mortiferum.

107  
In imagi-  
natione  
operis illi-  
citi duo  
spectari.

Delectatio  
ex ipsa  
imagina-  
tione.

Discrimen  
harum.

**N**otandum Primo, In imaginatione (sub qua  
intellige quamvis aliam apprehensionem &  
notitiam per intellectum, vel sensum) operis illi-  
citi duo considerari posse: nimur ipsum imaginati-  
onem; quæ est actus vitalis, ac notitia quadam;  
& opus illicitum, eius obiectum. Vnde duo-  
bus modis percipi potest delectatio.

Primo, Ex ipsa imaginatione, quatenus est no-  
titia seu apprehensio veritatis, aut rei pulchra,  
subtilis, rara, exoticæ, admiranda: talis enim  
notitia delectat, & magni inter homines aestima-  
tur: vnde magno studio ad huiusmodi spectacula  
solent concurrere.

Secundo, ex ipsa re, seu obiecto imaginato. In-  
ter hos modos est hoc discrimen, quod in priore  
ipsa imaginatio vel perceptio rei per intellectum  
aut sensum sit immediatum obiectum delecta-  
tionis; ut aperte indicant diuersus Thomas 1. 2.  
quaest. 74. articulo 8. Gabriel in 4. distinct. 15.

quaest. 13. art. 3. dubit. 3. & alij Doctores. Dele-  
ctamus enim huiusmodi res intelligere, videre,  
vel audire narrari; etiamsi ipsas detestemur, ac  
tristissimas iudicemus. Vnde sola notitia talis  
rei apprehenditur ut bonum delectabile; non  
autem res ipsa secundum se, nisi quatenus subit  
rationem veri, rari, admirandi: quo modo est  
obiectum notitiae, & mediante notitia obiectum.  
sed hoc nihil aliud est quam ipsam notitiam de-  
lectare, & esse immediatum talis delectationis  
obiectum.

In altero modo, immediatum obiectum dele-  
ctionis est ipsa res imaginata, (hac enim conci-  
pitur ut bonum delectabile) & imaginatio solum  
se habet ut applicans & proponens obiectum.  
nulla enim res potest cire delectationem, nisi per  
sensum vel intellectum fuerit apprehensa, & af-  
ficiunt applicata.

Vnde vterius fit, ut haec delectatio sit planè *Hac est si-  
milis illi, quæ ex rei præsentia & actuali fruitio-*  
*mili illi,* ne percipitur; & sequatur ex affectu & amore er-  
ga ipsam rem. Nam dupliciter potest à nobis ali-  
quid fieri, vel esse prætens: Primo, Reipsa. Se-  
condo, Vi phantastica per imaginationem: &  
vterque modus eandem delectationem parit; ut  
constat ex iis quæ nobis in somnis accidentunt; cum  
videmur nobis comedere, bibere, loqui cum ami-  
cis, &c. quod etiam docet D. Augustinus lib. 12.  
de Trinit. cap. 9. Ratio est, quia phantasia haber-  
vit sensuum exteriorum, ut aperte etiam somnia  
teltantur. Vnde sicut res, dum actu fit, vel præ-  
sens est, percepta sensibus externis, delectationem  
causat; ita etiam dum vi phantasia percipitur ut  
præsens, etiamsi revera non existat.

Altera vero delectatio, cuius obiectum est ipsa  
imaginatio vel notitia, longè alterius est generis,  
ut pote magis spiritualis, & sequens ex affectu non  
erga rem, sed erga rei cognitionem. His positis,

Dico Primo, Si priore modo delectatio percipi-  
piatur, non est per se peccatum. Est communis  
sententia Doctorum. Ratio est, quia delectatio se-  
quitur conditionem operis ex quo nascitur: ta-  
lis enim est delectatio, quale est opus vnde ori-  
tut, iuxta Aristotelem 10. Ethic. cap. 4. est enim  
quiddam necessarium ex operatione nobis congrua-  
refultans: atque opus, ex quo nascitur, non est  
malum, sed bonum, vel quid indifferens; nimis  
notitia veritatis, vel rei rara aut admiranda  
visio; quam notitiam & visionem homines magni  
aestimant, etiamsi obiectum, circa quod versatur,  
maxime execrentur: ergo talis delectatio non est  
per se mala. Hoc modo delectantur homines le-  
ctione vel narratione præliorum, duellorum, &  
rerum admirandarum, quæ per artem magicam  
fiunt: vel eorum, quæ pertinent ad opus generationis,  
& conceptum prolixi, absque tamen ullo  
affectu ad res ipsas.

Dixi, per se, quia potest esse peccatum ratio-  
ne curiositatis, vel etiam periculi vterioris: ut  
si quis talium rerum cognitione tantopere dele-  
ctaretur, ut desideraret easdem in se experiri, vel  
ab aliis fieri, vel esset periculum ne ipsæ per se  
placere incipient. talia enim ex nimia curiositate  
sequentur.

Dico Secundo, Si altero modo delectatio per-  
cipiatur, & voluntas in eam consentiat; erit pec-  
catum mortiferum vel veniale, pro ratione ob-  
iecti mortiferi vel venialis. Est communis sen-  
tentia *Delectatio ex re ima-  
ginaria.*